



Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

De Divina Psalmodia, Ejusque Causis, Mysteriis, Et Disciplinis, deque variis
Ritibus omnium Ecclesiarum in psallendis Divinis Officiis, Tractatus,
Historicvs, Symbolicvs, Asceticvs. Sive Psallentis Ecclesiae Harmonia -
Opus novum, & curiosum, ac multiplici eruditione illustratum ... Operum ...

Bona, Giovanni

Parisiis, 1678

§. 1. De dupli praeparatione ante officium, remota, & proxima. Remotam
in rectitudine vitae, in libertate animi, in oris taciturnitate: Proximam in
puritate intentionis, in divinae praesentiae ...

urn:nbn:de:hbz:466:1-9929

§. I.

De duplice preparatione ante Officium, remota, & proxima:
Remotam in rectitudine vita, in libertate animi, in oris
ratiocinata: Proximam in puritate intentionis, in divi-
ne presentia consideratione, in divini auxilii imploratio-
ne sitam esse.

I. **A** Preparatione incipio: si quidem scriptum est,
(a) *Ante orationem prepara animam tuam, &*
noli esse quasi homo qui tentat Deum. Quis enim audeat
in conspectu Principis non præparatus orationem ha-
bere? Aut quis musicus, vel citharœdus coram Rege,
& Magnatibus præsumat canere, nisi prius temperet
fides, & probet instrumentum? Nos autem, ait (b)
Chrysostomus, quando ad Deum accedimus, id esse
existimemus theatrum, sed ex universo orbe terrarum,
vel potius ex supernis populis cœlestibus collectum: &
Regem in medio sedere, qui vult nostram audire ora-
tionem. Nullus sit citharœdus, nullus lyricen, qui
ita se exerceat scenam ingressus, timens ne quid
insuave, & inconcinnum canat, ut nos ingressuri
theatrum Angelorum. Vetus parœmia est *Adoratu-*
ri sedeant, quia paratum, purgatumque animum ad
orationem afferre monemur. Sancti vero Patres præ-
parationem duplicem faciunt: remotam, & proximam.
Primam sic explicat (c) Laurentius Justinianus:
Præparatio remota est orantis vita laudibilis. Multum
enim juvat orationis puritatem, si in omni loco, actu,
& tempore nos ab operibus temperemus illicitis, &
divinis obediamus præceptis: si semper ab otiosis ser-
monibus auditum pariter castigemus & linguam. Quæ-
cumque enim saepius agere, loqui, vel audire conue-
vimus, necesse est, frequenter ad animum quasi soli-

a Eccl. 18. 25. b Chrys. in Psal. 4. c Justin. de orat. c. 3.

ram, propriamque recurrent ad sedem. Recte de eadem re (*d*) Gregorius Magnus: Si quod præcipit Deus facimus, id quod petimus obtainemus. Valde namque apud Deum utraque hæc sibi necessariò congruunt, ut & oratione operatio, & operatione fulciatur oratio. Propterea ait Prophetæ, (*e*) *Iniquitatem si aspexi in corde meo, non exaudiet Dominus.* Remota etiam præparatio est non solum carere peccatis, sed & à pravis affectionibus, & ab externis tumultibus liberam habere mentem, & cor expeditum. Sententia (*f*) cuiusdam Platonici est, optimam apud Deum oblationem esse mentem puram, & perturbationum vacuum animum. (*g*) Diadochus item Photicensis eleganter docet oportere eos qui certant, animum semper extra perturbationum fluctus conservare: mare enim cum tranquillum est, usque ad fundum est piscatoribus perspicuum, cum verò ventis agitur, tegit tempestate turbida quæ in placida tranquillitate largiter facit perspici. Ad hanc animi libertatem assequendam nil utilius silentio. Nam in multiloquio non deerit peccatum: & qui custodit os suum, custodit animam suam. Pythagoras, teste (*h*) Apuleio, primus Philosophiæ nuncupator & conditor, nihil prius discipulos suos docuit, quam tacere, primaque apud eum meditatio sapienti futuro linguam omnem coercere: prorsus hoc erat primum sapientiæ rudimentum, meditari condiscere, loquitor id discere. Taciturnitas ait (*i*) Climacus, mater orationis est. Et (*k*) Joannes Abbas Raithu; Silentium, inquit, custodia virtutum. Tandem, ut verbo omnem remotam preparationem complectar, meminisse debemus sanctissimæ institutionis, quam tradit (*l*) Cassianus, ut tales nimirum esse studeamus ante orationem, quales orantes volumus inveniri.

d Greg. 18. moral. cap. 5. *e* Psalm. 61. *f* Porphyrius lib. 2. de abst. animal.

g Diadoch. de pers. Spirit. cap. 26. *h* Apud Florid. 1. 2. *i* Climac. gr. 11.

k Joan. Abb. ad gr. 27. Climaci. *l* Cass. coll. 9. cap. 3.

II. Altera præparatio specialis & proxima, illa est quæ jam instantे Officii hora fieri debet. Scimus enim, (m) ait Richardus Victorinus, quia intimè & devotè nunquam mens orat, quæ se ad devotionem studiosis præmeditationibus prius non excitat. Primò igitur, audito signo, quo ad sacram synaxim convocamur, oratio nostra recta intentione in suum finem dirigen-
da, qui Deus est, alioquin Deo placere nequaquam poterit, nisi ejus ipse sit causa. Sincera verò, & re-
ctissima intentio est Deum solum semper respicere, de præmio & mercede nihil sollicitum esse, majorem
Dei gloriam, & beneplacitum ejus quocunque alio respectu excluso observare. Optimè de hac re (n) Au-
gustinus in illum Psalmi Versiculum, *Voluntariè sacrificabo tibi, & confitebor nomini tuo Domine, quoniam bonum est:*
Quare, inquit, voluntariè? quia gratis amo quod laudo.
Laudo Deum, & in ipsa laude gaudeo, ipsius laude gau-
deo, quo laudato non erubesco. Gratuitum sit & quod laudatur, & quod amatitur. Quid est gratuitum? ipse pro-
pter se, non propter aliud, Contemne omnia, ipsum
attende, ipsum gratis dilige, quia melius ab eo non
invenis quod des quam seipsum. Et confitebor nomini
tuo Domine, quoniam bonum est. Ob nihil aliud, nisi
quia bonum est. Numquid ait, Confitebor nomini tuo,
quia das mihi fructuosa prædia, quia das mihi au-
rum & argentum, quia das mihi latas divitias, ex-
cellentissimam dignitatem? Non. Sed quid? quoniam
bonum est. Melius nihil invenio quam nomen tuum,
ideo (o) Confitebor nomini tuo, quoniam bonum est. Ergo
laudare Deum propter solum Deum, hoc verè Deum
laudare est. Oculus simplex ex sententia Salvatoris no-
stri totum corpus lucidum facit, quia ut explicat (p)
Gregorius, per bonæ intentionis radium merita illu-
strantur actionis. Ideò sponsus in Canticis, Sponsus

(m) Rich. de erud. hom. int. l. 2. c. 7. n Aug. in Ps. 55. o Matth. 6. 22. p
Greg. lib. 28. mor. cap. 6.

oculos præ cæteris membris collaudat, sequè mirifice captum unico ejus oculo declarat dicens, (q) *Vulnerasti cornuum soror mea ponsa, vulnerasti cornuum in uno oculorum tuorum.* Non dicit in oculis, quasi in pluribus, quia unica debet esse intentio, unus oculus simplex, & directus in unum. Qui plures oculos habet, divisus est: non respicit Deum, non dicit cum Propheta: (r) *Vnam petui à Domino, hanc requiram:* Ad summam, non querit Deum, qui cum ipso Deo aliud à Deo querere convincitur. Porò cum intentio duplex sit, actualis cum quis Deo offert quod facit, dum facit, aut dum facere incipit; & virtualis, quæ fundatur in actu præterito, virtualiter tamen præsente; suadeo ut recte intentionis actus initio cujusque Officii instauretur: tum quia matutinæ directionis impulsus ob varias humanae vitæ occupationes interrupi facile potest: tum quia censem nobiliores Theologi apud Hieremiam (s) Drexelium in aureo suo libello de recta intentione, non sufficere virtualem intentionem ad promerendum singulis actionibus novum gratiæ incrementum, quamvis sufficiat ad moralem operis integritatem. Narrat Joannes Moschus in (t) Prato spirituali venisse quemdam senem ad fratrem solitarium, atque illi dixisse: Dic mihi frater in tanto tempore solitariæ vitæ, & spiritualis exercitii quid lucratus es? Cui frater ait, Vade & post decimum diem veni ad me, & dicam tibi. Senex autem abiens post decimum diem rediit, invenitque fratrem migrasse ad Christum, & testam, in qua sic scriptum erat: Ignosce Pater, quia nunquam dum opus Dei agerem, aut horis constitutis psallerem, mentem meam dimisi in terram.

III. Sic mentis obtutu in Deum solum d. fixo sistere se debet oraturus ante conspectum divinæ majestatis, quæ res magnum habet momentum ad preces recte

^q Cant. 4. 9. ^r Psalm. 26. ^s Drex. l. 1. de rect. intent. cap. 5. ^t Prat. spirit. cap. 98.

inchoandas, & ritè prosequendas. In omnibus viis tuis cogita illum, ait (u) Sapiens, & ipse dirigit gressus tuos. Docet fides Deum ubique esse, opera autem omnis carnis coram illo, & non est quidquam absconditum ab oculis ejus. Ergo si ad orationem assistens Deum esse præsentem verè crederem (verbis utor D. (x) Hieronymi) illud cor quo Deus videtur mundarem, manibus tunderem pectus, genas lacrymis rigarem, corpore inhorrescerem ore pallerem, jacerem ad Domini mei pedes, eosque fletu perfunderem, crine tergerem, hærerem certè trûco crucis, nec prius omitterem, quam misericordiam impetrarem. Nunc verò creberimè in oratione mea, aut per porticus deambulo, aut de fônore computo, aut abductus turpi cogitatione etiam quæ dictu erubescenda sunt gero. Ubi est fides? Ubi timor Domini omnia videntis? Siccine putamus orasse Jonam? sic tres pueros? sic Danielem inter leones? sic latronem in cruce? (y) Stoicus Philosophus nil utilius ad omnem virtutem concepta animo viri gravioris præsentia existimavit. Accipe, ait ad suum Lycium, & quidem utilem & salutarem clausulam, quam te affigere animo volo. Aliquis bonus vir nobis eligendus est, ac semper ante oculos habendus, ut sic tanquam illo spectante vivamus, & omnia tanquam illo vidente faciamus. Magna pars peccatorum tollitur, si peccaturis testis assistat. Aliquem habeat animus quem vereatur, cuius auctoritate etiam secretum suum sanctius faciat. O felicem qui sic aliquem vereri potest, ut ad memoriam quoque ejus se componat, atque ordinet! Qui sic aliquem vereri potest, citò erit verendus. Hæc ille. Quod si hominibus id tribuendum videtur, ut ne quid eis præsentibus committamus, quod eorum oculos possit offendere, quo timore percelli debemus ante ejus conspectum, qui observat omnes semitas nostras, & vestigia pedum

u Prov. 3. 6. x Hieron. in dial. adv. Luciferian. y Sen. epist. 11.

nostrorum considerat : cuius oculi sole lucidiores sunt, circumspicientes omnes vias hominum, & profundum abyssi, & hominum corda intuentes in absconditas partes ? Idcirco Monachorum (z) Magister mysticæ scalæ, qua ad beatitudinem ascenditur primum gradum in continua Dei præsentis recordatione constituit : & de disciplina psallendi differens, Ubique, ait, divinam credimus esse præsentiam, & oculos Domini in omni loco speculari bonos & malos, maximè tamen hoc sine aliqua dubitatione credamus, cum ad opus divinum assistimus. Ideò semper memores simus quod ait Propheta, *Servite Domino in timore, & iterum, psallite sapienter : & in conspectu Angelorum psallam tibi.* Est enim Ecclesia templum Dei , ut doctè ait sanctus Germanus in rerum Ecclesiasticarum contemplatione, delubrum sanctum , domus orationis , terrenum cœlum, in quo Deus inhabitat. Denique (a) Boëtius videt sapientissimus , Magna nobis est, inquit, necessitas indicta probitatis , quando ante oculos agimus judicis cuncta cernentis.

METRUM XLVI.

*S*cande polum , mediisque fini celsi abdere cœli,
Illic rotator siderum
Te Deus inveniet.
Turbida si inclusum capiat inter nubila condas ,
Latè patentes nubium
Disgregat ille globos .
Frustra telluris gremio , stygiisque cavernis ,
Aut rupe te cava reges ;
Numine cuncta replet.
Fortè cupis nigro te noctis condere peplo ?
At noctis umbras intima
Rumpere luce solet .

(z) Bened. c. 7. & 16. a Boët. in fin. lib. ult. de cor. sol.

DE DISCIPLINA PSALMENDI
Eia age præpetibus pennis ad littora Thules;
Extremam ad Arcton evola,
Qua fera servit hyems.

Decolor Eoo, quæ cingitur India Gange;
Qua sol fluente fervidas
Abluit amne rotas:
Quaque dies medius pallentes denegat umbras;
Et solis ufas ignibus
Torret ab axe plagas;
Ser terra, pelagoque fugam, cæloque capessas,
Iustus Deus te vindici
Prendet ubique manu.

IV. Postquam verò Deum præsentem humiliter adoraverimus, ejus gratiam ad dignè orandum implorare debemus: nam quid oremus sicut oportet nescimus; & nemo potest dicere, Domine Iesu, nisi in Spiritu sancto. Sententia fidei est, supernaturale auxilium gratiæ necessarium esse ad actus supernaturales eliciendos. At orationem actum esse supernaturalem, docent (^b) Chrysostomus, & Augustinus. Accedit quod oratio simpliciter necessaria est ad salutem, ut ex multiplice Christi & Apostolorum exhortatione ad orandum colligitur: nullum autem credimus salutem suam posse operari nisi Deo auxiliante, quia; Nemo potest ad me venire, ait Christus, nisi Pater meus traxerit eum. Quomodo ergo poterit quispiam convenienter orare, nisi fuerit divinæ gratiæ præventus auxilio, ejusque assistentia, & efficacia roboratus? Stat quidem Dominus semper ad ostium, & pulsat, si forte sit aliquis qui audiat, & aperiat; sed optat nihilominus instanter à nobis exorari, ut quod ab initio, & ante secula misericorditer tribuere decrevit, etiam preceibus nostris sollicitatus præbeat: & non solum secundum propositum ejus, sed etiam secundum nostram

^b Chrys. lib. 2. de orando Deum. Aug. passim. in libris adv. glazios.

cooperata.

Nostram cooperationem coronemur. Præclarè S. (c) Prosper, Quamuis quod statuit Deus nulla possit ratione non fieri, studia tamen non tolluntur orandi, nec per electionis propositum liberi arbitrii devotio relaxatur, cum implendæ voluntatis Dei ita sit præordinatus effectus, ut per laborem operum, per instantiam supplicationum, per exercitia virtutum fiant incrementa meritorum. Rectè dictum est à Poëta, (d) *Dimidium facti qui bene cœpit habet, in singulis enim actionibus id in primis curandum est, ut bene ordiamur.* Ex fundamento totius ædificii ratio conjicitur, & à præparatione futurum orationis statum dignoscimus. Ignis ergo devotionis in prævia meditatione exardescat, quæ fœnum & stipulam distrahentium cogitationum comburat, & sic fiet totius Officii recitatio sacrificium acceptabile Domino in odorem suavitatis.

§. II.

Vtrum oratio ad intellectum, an vero ad voluntatem pertineat.
Variae orationis definitiones. Vtriusque potentie actus requiri ad bene orandum. Intellectum attentione, voluntatem devotione componi. Actum prius de reverentia, qua componitur externus homo. Ea quid sit, & quotuplex, & qua ejus incitamenta.

I. **Q**uærunt Theologi pertineantne oratio ad intellectum, an vero ad voluntatem. Sunt autem qui existiment ad solam spectare voluntatem, ea ducti ratione, quod oratio nihil aliud esse videatur, quam interni desiderii quo quis tenetur, propriaque voluntatis, quam quis à Deo adimpleri vellet, expressio, & manifestatio. Favet huic opinioni (a) Augustinus ad illa verba Psalmi, *Ante te omne desiderium meum. Ipsum, inquit, desiderium tuum oratio tua est, & continuum deside-*

^c Prosper. de vocat. gentium lib. 2. cap. ult. d Horat. lib. 1. ep. 2. a Augustin. in Psal. 37.